

समा. 09.20 Hrs

## Headlines

- उद्योग ते बपार मैहकमे ते National Stock Exchange बश्कार MoU पर दस्तखत कीते गे ते मुखमंत्री उमर अब्दुल्ला होरें इस सांझ-भ्याली दा सोआगत कीता।
- सरकार पैहली दिसम्बर थमां 2026-27 आहले बजट प्रस्ताव पर चर्चा शुरु करौग। वित्त मैहकमा 36 मैहकमे कन्नै इस बारे चर्चा करोग।
- जम्मू-कश्मीर सरकार दस्तकारी ते हत्थखुड़ी सैक्टर कन्नै जुड़े दे कारीगरें गी सम्मानित करोग। विरासती कला गी जीवित रखने लेई 38 कलाकारें गी सम्मानित कीता जाग।
- मुख सचिव होरें जम्मू-कश्मीर च संविधान दिवस गी मनाने लेई तयारियें दा जायजा लैता।
- भारत नै महिला कब्बुी विश्व कप लगातार दुई बारी जितेया। भारतीय टीम नै चीनी ताइपे गी रहाया।

## MoU Signed CM

जम्मू-कश्मीर च लौहके भलेया लौहके ते दर्मयानें दर्जे दे उद्योगें गी बढावा देने लेई उद्योग ते बपार मैहकमे नै National Stock Exchange of India Ltd. कन्नै MoU पर दस्तख्त कीते न। इसदा मकसद मुकामी उद्यमें च माली साक्षरता ते Capital Market तगर उंदी पुज्ज बेहतर करना ऐ।

इस MoU पर मुख्मन्त्री उमर अब्दुल्ला हुंदी मौजूदगी च दस्तख्त कीते गे। उनें इस जत्त दा सोआगत कीता ते आखेया जे नेह् जत्ते कन्नै कारखानादारी-निवेश दे मौके गी बढावा देन ते जम्मू-कश्मीर च कारोबार गी बढावा ते समर्थन देने च मदद थ्होग।

<><><><><><>

## CM- Power Hike

मुख्यमंत्री उमर अब्दुल्ला होरें जम्मू-कश्मीर च बिजली दे कराए च बाढा करने दे कुसै बी प्रस्ताव गी खारिज करी दिता। उनें सारी रिपोर्टें दा उन्दे आस्सेया खंडन कीता गया- जेदे च एह आखेया जा रदा ऐ जे सरकार घाटी च Peak Hours च बिजली दी खपत पर 20 फीसद Surcharge लाने दा विचार करा रदी ऐ। मुख्यमंत्री होरें नेई रिपोर्टें गी भ्रम पैदा करने आहलियां दस्सेया। उनें उपभोक्ताएं गी भरोसा दोआया जे सरकार बिजली सप्लाई सरिस्ते गी बेहतर करने लेई लगातार जत्न करा रदी ऐ। मीडिया कर्मियें दे सोआलें दा परता दिंदे होई उनें आखेया.....

<><><><><><>

## Budget Proposals

2026-27 बरे लेई बजट तयार करने दे इक हिस्से दे तौर पर खजाना मैहकमा पैहली दिसम्बर थवां बजट प्रस्ताव पर चर्चा शुरु करोग। आकाशवाणी जम्मू संवाददाता दी रिपोर्ट मुजब प्रशासनिक सचिवें गी सूचित कीता गया ऐ जे 36 मैहकमे कन्नै एह चर्चा 16 दिसम्बर तगर जारी रहोग। इस दौरान 2025-26 आहले बजट पर चर्चा ते 2026-27 लेई बजट तयार करने पर विचार-विमर्श होग। इस दौरान राजस्व खर्चे कन्नै प्रायोजित स्कीमें- PMDP ते दोआर सरबन्धी चीजें पर ध्यान दिता जाग। मैहकमे गी आखेया गया ऐ जे ओह कीती गेदी कारवाइयें बारे रिपोर्ट FRBM ब्यौरा ते PPT बी जमा करोआन।

<><><><><><>

## Artisan Award

दस्तकारी ते हथखड़ी मैहकमा अज्ज श्रीनगर दे SKICC च UT कारीगर पुरस्कार-2024 देने लेई तयार ऐ। उप-मुख्यमंत्री सुरिंदर कुमार चौधरी होर एह पुरस्कार प्रधान करगन। मैहकमे दे इक प्रवक्ता मुजब-38 कारीगरें दा चयन कीता गेदा ऐ- जेहदे चा जम्मू थमां 18 ते कश्मीर थमां 20 कारीगर शामिल न।

इस पुरस्कार च प्रशस्ति पत्र ते 50 ज्हार- 30 ज्हार ते 20 ज्हार दे नकद ईनाम शामिल ना। मैहकमे नै आखेया ऐ जे इस पैहलकदमी दा मकसद जम्मू-कश्मीर दी समृद्ध दस्तकारी गी बचाने च कारीगरें दी अहम भूमिका गी पंछानना ऐ।

<><><><><><>

## Heritage Walk

विरासती सप्ताह दे सरबंध्यै च सैलसफा मैहकमा जम्मू आस्सेया जिला प्रशासन जम्मू दे सहयोग कन्नै मुबारक मंडी परिसर थवां अमर महल तगर अज्ज बडुलै Heritage Walk दा सरिस्ता कीता गया। इसदा मकसद मुकामी संस्कृति इतिहास ते सैलसफा गी बढावा देना- इसदे च मुकामी लोकें-विद्यार्थियें ते सैलसफा कन्नै जुड़े दे सरबंध्यै धड़े हिस्सा लैता। इस दौरान सब्बनं गी विरासती थाहरें बारे जानकार बनाया गया- प्रतिभागियें गी जागरूक कीता गया ते खित्ते दी विरासत ते ओदे संरक्षण दे महत्व गी उजागर कीता गया।

<><><><><><>

## CS Const. Day

मुख्य सचिव अटल डुल्लु होरें कल पूरे जम्मू-कश्मीर च संविधान दिवस दे भव्य कार्यक्रम दी तयारियें दी समीक्षा कीती। एह कार्यक्रम संविधान गी अपनाने दी 75मीं बरसगंड दे बरे लम्बे चला करदे कार्यक्रम दा समापन समारोह होगा। सब्बनं मैहकमें गी एह निर्देश दिते गेन जे आपस च तालमेल बनाने ते ओ 26 नवम्बर 2025 गी प्रभावशाली गतिविधियें गी यकीनी बनाना। एक्शन प्लान च बडुलै 11 बजे जन-प्रस्तावना पढाई- सब्बनं जिलें च न्याय- आजादी- समानता ते भाईचारे लेई दौड़ ते संवैधानिक विशें पर Screening शामिल ऐ। इस अभियान तैहत पैहले गै राज्य भरै च 5 ज्हार 9 आयोजन होई चुके दे ना। नागरिकें गी ऑनलाईन संगंध चुकने ते संविधान Quiz च शामिल होने लेई प्रोत्साहित कीता गया ऐ।

<><><><><><>

## Prog. Announcement

आकाशवाणी दे क्षेत्रीय समाचार एकांश जम्मू महिलायें खलाफ हिंसा गी खत्म करने सरबंधि अंतराष्ट्रीय ध्याडे दे मौके पर अज्ज 25 नवम्बर गी 25एं मिन्टे दा इक विशेष कार्यक्रम प्रस्तुत करने जा रदा ऐ- जेहदा विशे सार ऐ- “महिलायें खलाफ हिंसा गी खत्म करना- जागरुकता राएं इक सुरक्षत समाज दा निर्माण करना।” अज्ज बड्डलै साड्डे 9 बजे प्रसारत होने आहले इस कार्यक्रम च स्हाडियां विशेष परोहनियां होगंन- जम्मू-कश्मीर पुलसै च DSP फरहा निशात- जेहडियां इस विशे पर अपने विचार ते तुजुर्बे सांझे करगंन। उंदे कन्नै गल्लवात करगंन स्हाडियां एंकर श्रुति खजूरिया। एह कार्यक्रम तुस स्हाडे इस्सै चैनल मीडियम वेव 303 मीटर यानि 990 किलोहर्टस ते एफ.एम सौ इशारिया 3 मैगाहर्टस पर सुनी सकदे ओ।

<><><><><><>

## Kabaddi –India

कब्डू च भारत नै ढाका च लगातार दुई बारी महिलायें दा कब्डू विश्व कप जिती लैता ऐ। फाईनल मैच च भारत नै चीनी ताइपे गी 35-28 कन्नै हराइयै एह जित्त हासल कीती। भारत नै ग्रुप स्टेड दे सब्भनें मैच जित्ते ते सैमीफाईनल च इरान गी 33-21 कन्नै हराइयै फाइनल च थाहर बनाई ही। दुई बक्खी चीनी ताइपे बी ग्रुप-बी दे सारे मैच जितियै सैमीफाईनल च बंगलादेश गी हराइयै फाइनल च पुज्जी ही। इस टूर्नामैन्ट च 11 टीमें हिस्सा लैता हा। प्रधानमंत्री नरेन्द्र मोदी होरें भारतीय महिला कब्डू टीम दी इस जित्त दी सराहना कीती ऐ ते उनेंगी बधाई दिती ऐ ते आखेया ऐ जे उंदी इस जित्त कन्नै युवा एथलीटें गी प्रेरणा थ्होग।

<><><><><><>

## Udh Judo Medal

उधमपुर दियां डिप्टी कमीशनर सलोनी राय होरें 16 थमां 20 नवम्बर तक्कर हैदराबाद च आयोजत सब जूनियर नैशनल जूडो चैम्पियनशीप च चांदा दा तगमा जित्तने आहली मकामी एथलीट प्रीतमा देवी गी सम्मानत कीता।

उधमपुर दे शिवनगर दी बसनीक प्रीतमा देवी होर सुभाष स्टेडियम इंडोर कॉम्पलैक्स च ट्रेनिंग लै करदियां न।  
इस आयोजन च जम्मू-कश्मीर दे 16 खडारियें हिस्सा लैता हा- जिंदे च गांदरबल दे एथलीटें 2 कैह दे तगमे  
हासल कीते। डी.सी. होरें प्रीतमा देवी दे खेडु लेई उन्दे समर्पण भाव दी सराहना कीती। आकाशवाणी न्यूज  
कन्नै गल्लबात करदे होई प्रीतमा देवी होरें आखेया.....

<><><><><><>

Transport Guidelines

परिवहन मैहकमे नै जम्मू-कश्मीर च पंजीकृत गड्डियें दा कम्म करने आहलें डीलरें दे पंजीकरण ते अधिकृत करने  
लेई नमें दिशा-निर्देश जारी कीते न। ढाचा पंजीकृत गड्डियें दी परतियै बिक्री- स्टॉक जां Handling कन्नै  
सरबंधत सब्भै इकाइयें लेई प्राधिकरण गी अनिर्वाय बनांदा ऐ- जिस च VAHAN Plat Forum दे राहें पूरी  
डिजिटल पारदर्शिता हुंदी ऐ। मुख्ब प्रावधानें च ऑनलाईन आवेदन Premises Verification पंज बरे दी  
प्राधिकरण वैधता- Real Time Reporting ते KYC शामिल ऐ। आर.टी.ओ ते Enforcement अधिकारी-  
गैर मंजूर डीलरें दा निरक्षण करगंन ते उंदे खलाफ कारवाई करगंन।

<><><><><><>

RABI Crops- Data

मुल्खै च 21 नवम्बर तगर 306 लक्ख हैक्टर कोला मते रकबे च हाड़ी फसलें दी रड़ कीती जाई चुकी दी ऐ।  
राई-बाई मंत्रालय दे इक ब्यान च आखेया गेदा ऐ जे पिच्छले बरे इस्सै अवधि दौरान 68 लक्ख हैक्टर कोला  
मते दे मकाबले ऐगती 73 लक्ख हैक्टर कोला मते क्षेत्र च दाली आहली फसलें दी रड़ कीती जाई चुकी दी ऐ।  
राई-बाई ते करसान कल्याण मैहकमे नै कल हाड़ी फसलें दी रड़ सरबंधी इक रिपोर्ट जारी कीती ऐ।

<><><><><><>